

Penuntut universiti disaran timba pengalaman jadi sukarelawan

SINAR HARIAN CUAMPUS 18/12/13 (25/12/13) M/S 25

KUANTAN - Penuntut institusi pengajian tinggi disaran meluangkan masa menyertai aktiviti sukarelawan bagi memupuk kesedaran selain meningkatkan keyakinan serta membentuk nilai mumi dalam diri mereka.

Exco Pembangunan Wanita dan Keluarga, Komunikasi dan Multimedia Pahang, Datuk Shahaniza Shamsuddin berkata, peluang sebagai sukarelawan banyak dibuka kepada belia menimba pengalaman bersama komuniti.

Menurutnya, sebelum ini pembabitan penuntut institusi pengajian tinggi lazimnya dapat dilihat ketika waktu tertentu seperti ketika bencana banjir, gotong-royong kawasan kampung dan masjid.

"Sudah tiba masanya golongan belia terutama penuntut universiti membantu warga emas, anak yatim dan fakir miskin yang memerlukan bantuan seperti membaiki kerosakan rumah dan membersihkan kawasan.

"Golongan terbabit juga boleh membantu meringankan beban pengusaha rumah kebajikan yang terpaksa menjaga



Shahaniza merasmikan Program Kesukarelawan Volunteer To Institution (V2I) Mahasiswa UMP di Rumah Kanak-kanak Sultanah Hajjah Kalsom.

warga emas yang sudah tidak lagi mampu menguruskan diri sendiri," katanya pada Program Kesukarelawan Volunteer To

Institution (V2I) Mahasiswa Universiti Malaysia Pahang (UMP) di Rumah Kanak-Kanak Sultanah Hajjah Kalsom, semalam.

Hadir sama, Timbalan Naib Canselor (Hal Ehwal Pelajar dan Alumni) UMP, Professor Datuk Dr Yusserrie Zainuddin; Pengarah Bahagian Komuniti Jabatan Kebajikan Masyarakat, Dr Sopian Ibrahim dan Pengarah Kebajikan Masyarakat Pahang, Zulkhairi Zainol Abidin.

Shahaniza berkata, walaupun mereka mencatat keputusan cemerlang dalam akademik namun ia lebih bermakna sekiranya ada sumbangan kepada komuniti ketika pengajian.

Sementara itu, Dr Yusserrie berkata, pihaknya menganggap tugas sukarelawan adalah sebahagian daripada didikan yang perlu diterapkan kepada pelajar dan ia perlu dilakukan secara berterusan.

"Program sukarelawan perlu berstruktur dengan dilakukan secara terancang dan mengambil tempoh waktu yang panjang bagi melihat kesannya.

"Bagi penuntut yang terbabit, kita hargai sumbangan mereka dan akan menerima jam kredit dan sijil penghargaan. Saya juga rancang untuk adakan lebih banyak program sukarela selepas ini," katanya.